

পৃথক আইন ও নীতিমালা এখন জরুরি

মুহাম্মাদ মুনিরুল মওলা
ব্যবস্থাপনা পরিচালক
ইসলামী ব্যাংক



মূলত অ্যাসেট বেজড বা সম্পদভিত্তিক ও শরিয়ামূলক সুদমুক্ত ব্যাংকিং ব্যবস্থার প্রতি গণমানুষের ব্যাপক আগ্রহ রয়েছে। ইসলামী ব্যাংকিংও আঞ্চলিক সেবার মাধ্যমে মানুষের আস্থা ও বিশ্বাস অর্জন করেছে। ইসলামী ব্যাংকগুলো টেকসই উন্নয়নকে প্রাধান্য দিয়ে অগ্রাধিকার ঘাটে বিনিয়োগ ও মাইক্রো ফাইন্যান্স বা ক্ষুদ্র অর্পায়নে গুরুত্ব দিচ্ছে। ফলে দেশে ইসলামী

ইসলামী ব্যাংকগুলো আমানত ও বিনিয়োগের ক্ষেত্রে পৃথক পৃথক চুক্তি অনুসারে লাভ-লোকসানের ঝুঁকি বহন করে। ব্যাংক মূদারাবা ভিত্তিতে আহরিত তহবিল বিনিয়োগ করে প্রাপ্ত আয়ের কমপক্ষে ৬৫ শতাংশ আমানতকারীদের মধ্যে বন্টন করে।

ব্যাংকিংয়ের দ্রুত প্রসার ঘটছে এবং তা ক্রমাগত শক্তিশালী হচ্ছে। বর্তমানে দেশে মোট ১০টি পূর্ণাঙ্গ শরিয়ামূলক ইসলামী ব্যাংক আছে। চলতি শতকের শুরুতে বৈশ্বিক আর্থিক মন্দার সময়েও ইসলামী আর্থিক ব্যবস্থায় কোনো প্রভাব পড়েনি। সর্বোপরি, শুধু বাংলাদেশেই নয়, ইসলামী ব্যাংকিং আজ বিশ্বের এক সফল বাস্তবতা। পরিচালন বৌশল, গ্রন্থিত উৎকর্ষ, সর্বজনীন ও সফলতায় এই ব্যবস্থার বিকাশ ত্বরান্বিত হচ্ছে।

এই ধারার ব্যাংকিং সেবা সবার কাছে পৌঁছে দিতে হলে শতভাগ শরিয়ামূলক পরিচালনের পাশাপাশি প্রযুক্তিসমৃদ্ধ আধুনিক ব্যাংকিং সেবা প্রদানে গুরুত্ব দিয়ে তবেই এগোতে হবে। জনকল্যাণকে সর্বাধিক গুরুত্ব দিতে হবে।

দেশে ইসলামী ব্যাংক পরিচালনার কোনো আইন নেই এবং এ জন্য পূর্ণাঙ্গ কোনো নীতিমালাও

নেই—এটা নিয়ে কমবেশি কথা হচ্ছে। কেউ কেউ এটাকেই ইসলামী ধারার ব্যাংকগুলোর ব্যবসা বৃদ্ধির মূল কারণ বলে মনে করে থাকেন। আমি বলব, এ কথা সত্য যে বাংলাদেশে পৃথক ইসলামী ব্যাংকিং আইন নেই। ইসলামী ব্যাংকগুলো নিয়ন্ত্রিত হচ্ছে বাংলাদেশ ব্যাংকের ২০০৯ সালের ইসলামী ব্যাংকিং গাইডলাইনের মাধ্যমে। তবে পৃথক আইনের অনুপস্থিতিতে যে ইসলামী ব্যাংকগুলো সুবিধা পেয়েছে এমন নয়, বরং অনেক ক্ষেত্রেই তারা প্রতিবন্ধকতার মুখে পড়েছে। প্রতিটি ইসলামী ব্যাংকেই দেশের শীর্ষ উলামা, ইসলামী গবেষক, অর্থনীতিবিদ ও চিন্তাবিদদের সমন্বয়ে নিজস্ব শরিয়ামূলক সুপারভাইজারি কমিটি রয়েছে, যাদের সুচিন্তিত সিদ্ধান্তের ভিত্তিতে শরিয়ামূলক আলোকে ইসলামী ব্যাংকগুলো পরিচালিত হচ্ছে। বাংলাদেশ ব্যাংকসহ ইসলামী ব্যাংকগুলোর সেন্ট্রাল শরিয়ামূলক বোর্ডও এ ক্ষেত্রে কাজ করছে। কিন্তু দেশে ইসলামী ব্যাংকগুলোর জন্মবর্ধমান মার্কেট শেয়ার বা বাজার হিসাব বিবেচনায় পৃথক আইন ও পূর্ণাঙ্গ নীতিমালা এখন জরুরি।

আমরা কখনো কখনো এ রকম কিছু প্রশ্নের মুখোমুখি হই—ইসলামী ব্যাংক মানে তো মুনাফা ও লোকসান ভাগাভাগি করা, আপনারা কি কখনো লোকসান ভাগাভাগি করেছেন? করলে প্রতি বছরে কেমন? নাকি আপনাদের কোনো গ্রাহক লোকসানে পড়েনি? এটাই সাধারণ ধারণা। সাধারণ ধারণা থেকেই মানুষ এসব প্রশ্ন করেন। আমি বলব, ইসলামী ব্যাংকগুলো আমানত ও বিনিয়োগের ক্ষেত্রে পৃথক পৃথক চুক্তি অনুসারে লাভ-লোকসানের ঝুঁকি বহন করে। ব্যাংক মূদারাবা ভিত্তিতে আহরিত তহবিল বিনিয়োগ করে প্রাপ্ত আয়ের কমপক্ষে ৬৫ শতাংশ আমানতকারীদের মধ্যে বন্টন করে। মোট বিনিয়োগ আয় সাধারণত নেতিবাচক হয় না, যার কারণে সন্তোষের অর্থে আমানত গ্রাহককে লোকসান বহন করতে হয় না। তবে মোট মুনাফা কমবেশি হয়। আর ইসলামী ব্যাংকের বিনিয়োগ পদ্ধতির মধ্যে রয়েছে ক্রয়-বিক্রয়, অংশীদারি উদ্যোগ ও ভাড়ায় ক্রয় (হায়ার পারচেজ) ইত্যাদি। ক্রয়-বিক্রয়ের ক্ষেত্রে স্বাভাবিকভাবেই মুনাফার হার পূর্ণনির্ধারিত হয়।